



泉 水 響
（ 流 上 河 虞 子 坊 ）

濰縣志稿卷五

疆域

河渠

濰縣之水以濰為巨其次則汶虞白狼大于瀾桂再次則瀑沙福康寒泥小于白楊此外小水尚十餘今述其著者小水附焉詳其經行本境及源委其在鄰邑則擇要者載焉

濰水有二源均出莒縣西北東南流合為一水又東北至北杏一水南來注之東北過諸城縣西又北過安邱景芝鎮東又北過高密縣西又北過岞山西又北穿膠濟鐵路過黃旗埠東又東北入濰境過夾河套莊東汶水自西南來注之又北過昌邑王莊東又東北過于區莊東又東北過港涇莊東又東北過昌邑縣東又北至下營

入于海 莒州志山東自治區域圖

濰縣志稿

卷五 疆域 河渠

按濰殷書前編作譎觚十事云按古人省文濰字或作維或作淮總一字也漢書或作淮者從水從鳥佳之佳篆作 即濰字省其中系耳今呼為淮則竟為江淮之淮從水從佳人之佳篆作注於隸則差之毫釐於篆則失之千里矣至於齊乘云漢書地理志濰或作淮故俗亦名淮河諸城安邱兩志皆有俗傳箕屋山舊多產穰水從穰根出故呼為淮河以音之同其說誤左氏昭公十二年傳中行穆子曰有酒如淮有肉如坻淮與坻同韻淮亦濰字通鑑梁武帝紀濰又省作惟若莒州志謂淮沂其又之淮即此水則非矣杞紀所云箕屋山今在莒州西北九十里者即指瓦屋山而言與水經注所指尚不合所云九十里者即莒州自治圖所指之南源為析泉城北去濰縣二百里水在縣北三里又北之水乃元和志誤為濰源更為大謬諸城去濰縣二百里水在縣北三里又北龍且處又北過漢高密城西又北過景芝鎮東鎮去濰治百三十里又北過鄭康成墓西水經注云墓在水西或水道有遷徙歟又北經杞城東杞古國也漢為淳于縣治又北過黃旗埠東相傳明末清兵入塞黃旗曾屯於此又北入濰境去縣治東六十五里地在黃旗埠東水東為昌邑地再北經夾河套莊東汶水由西南來會之地係淤積而成多沙土樹木夾岸形猶半島地處三縣之交為邑設防要地又北過小沼及穆村東小沼人多關沼畜魚因為名明季清兵入塞穆村杜氏糾合族姓以禦外敵寡異勢一時殉國者凡數百人時論多之再北經王莊東昌邑地水東陸山唐天寶六載敕霍侯山即漢霍光所封博陸見齊乘及昌邑志又東北過李家莊王家莊子南又北過東南堤于區東店東于區鄉土志作阡渠明初屬昌邑見梁氏先塋記為通平度孔道又西北過東港涇東入昌邑界約行縣之東境三十餘里

劉以貴濰水源流考

濰隸萊郡自洪武九年始縣以濰名是濰乃縣之主水也漢桑欽水經後魏鄴

道元注為天下水而作於濰水也猶詳志濰縣而反略於濰水不詳其源流可

乎今據水經及注與經史子集凡有涉於濰水者總萃為一篇辨其所知而闕

其所不知以俟傳雅君子討論水經云濰水出琅邪箕縣鄆注云琅邪山名也

越王勾踐之故國也勾踐并吳欲霸中國徙都琅邪秦始皇二十六年滅齊以

為郡城即秦王之所築也遂登琅邪大樂之山作層臺於其上謂琅邪臺在

城東南十里孤立特顯出於眾山上下周二十里餘傍濱巨海秦王樂之因留

三月乃徙黔首二萬戶於琅邪山下復十二年所作臺基三層層高三丈上級

平敞方二百餘步高五里刊石立碑紀秦功德臺上有神淵淵主靈焉人污之

則竭齊潔則通神廟在齊八祠中漢武帝亦嘗登之漢高帝呂后七年以為王

國文帝三年更名為郡濰水導源濰山許慎呂忱云濰水出箕屋山淮南子曰

濰水出覆舟山蓋廣異名也東北逕箕縣故城城西又西析泉水注之析泉

縣北入濰者也濰水又東北逕諸縣故城城西春秋文公十二年季孫行父城諸

及鄆傳曰城其下邑也濰水又東北涓水注之水出馬耳山山高百丈上有二

石並舉望齊馬耳故世取名焉東去常山三十里涓水發於其陰北逕婁鄉城

東春秋昭公五年經書夏莒牟夷以牟婁防茲來奔者也又分諸縣之東為海

曲縣故俗人謂東諸城涓水又北注於濰水今考一統志濰水出青州府莒州

西北九十里箕屋山之東北達密州密州今諸城古蹟琅邪郡城在諸城孟子

放於琅邪即其地書禹貢濰淄其道左傳襄公十八年晉師東侵及濰是也箕

縣或以箕屋山得名漢地理志濰水出箕縣東北濰山謂箕縣在密州莒縣今

按莒州即莒縣地淮南子濰出覆舟載地形訓篇曰濰山曰箕屋曰覆舟蓋一

山而三名經云東北過東武城縣西注云縣因岡為城城周三十里漢高帝六

年封郭蒙為侯國又北左合扶淇之水出西南長山東北流注濰按經脈誌

濰自箕縣北逕東武縣故城東南世謂之盧山也西北流逕昌縣故城西東北流

水者即扶淇之水也濰水又北右合盧水即久台水也地理志曰水出琅邪橫

濰縣志稿

卷五 疆域 河渠

書注云博昌有薄姑城未知孰是潁水又東北逕平昌故城北古塢此水以
溢溉田南注荆水潁水又東北流而注於濰水也今考薄姑城古蹟廣輿記謂
在博興姑幕城古蹟廣輿記謂在莒州經云又北過高密縣西注曰應劭曰縣
有密水故有高密之名也然今世所謂百尺水者蓋密水也水有二源西源出
奕山亦曰鄆日山晏謨曰山狀鄆日是有此名伏琛曰山上鄆日故名鄆日山
也其水東北流東源出五弩山西北流同瀉一壑俗謂之百尺水古人塢以溉
田數十頃北流高密縣西下注濰水自下以兼通稱焉亂流歷縣西碑產山西
又東北水有故堰舊鑿石豎柱斷濰水廣六十許步掘東岸激通長渠東北逕
高密故城南明帝永平中封鄆震為侯國縣南十里蓄以為塘方二十餘里古
所謂高密之南都也溉田一頃許陂水散流下注夷安澤濰水自堰北逕高密
縣故城西漢文帝十六年別為膠西國宣帝本始元年更為高密國濰水又北
昔韓信與楚將龍且夾濰水而陣於此信夜令為萬餘囊盛沙以遏濰水引軍
擊且偽退且追北信決水水大至且軍半不得渡遂斬龍且於是水西有厲
阜阜上有漢司農卿鄭康成冢石碑猶存又北逕昌安縣故城東漢明帝永平
中封鄆襲為侯國也郡國志曰漢安帝延光元年復也今考廣輿記韓信與
龍且夾濰水而陣一云在諸城安邱界一云在高密界史記淮陰侯列傳韓信
襲齊歷下軍遂至臨菑遂東追廣至高密西楚亦使龍且將號稱二十萬救齊王
救韓信已定臨菑遂東追廣至高密西楚亦使龍且將號稱二十萬救齊王
廣龍且并軍與信戰夾濰水陣韓信乃夜令人為萬餘囊滿盛沙壅水上流引
軍半渡擊龍且佯不勝走龍且果喜曰固知信怯也遂追信渡水信使人決
壅囊水大至龍且軍大半不得渡即急擊龍且龍且水東軍散走齊王廣亡
去信遂追北至城陽皆虜楚卒按信追廣至高密廣與龍且并軍當在高密地

濰縣志稿

卷五 疆域 河渠

韓信在濰水西龍且在濰水東濰水北過高密縣西高密密邇濰水則囊沙破
齊之在高密地似為近之濰縣志濰水北經龍且冢冢在濰水東崖為淮陰囊
沙處龍且冢不見史記漢書及水經注姑闕之但密水既入濰水志缺不載何
也經云又北過淳于縣東注云濰水又北左會汶水北逕平城亭西又東北逕
密鄉亭西郡國志淳于縣有密鄉地理志皆北海之屬縣也應劭曰淳于縣東
北六十里有平城亭又四十里有密鄉亭故縣也濰水又東北逕下密縣故城
西城東有密阜地理志曰有三戶山祠余按應劭曰密者水名是有下密之稱
俗以名阜非也今考志稱濰水又北至安邱東古淳于城汶水入焉經云又東
北逕都昌縣東又東北入於海注云濰水東北逕逢萌墓萌縣人也少有大節
恥給事縣亭遂浮海至遼東復還在不其山隱學明帝安車徵萌以佯狂免又
於都昌也太史慈為融救劉備持的突圍其處也今考都昌即今昌邑縣所圍
貢濰淄其道正義曰地理志濰水出琅邪皆濰屋山北至都昌入海過郡三行五
百二十里今按琅邪北海高密皆古郡名皆濰水所經故曰過郡三也左傳東
侵及濰杜註濰水在東莞東北至北海都昌縣入海東莞今沂水縣也顧寧人
日知錄曰濰字或省水作維或省系作淮又或從心作惟是一字漢書地理
志琅邪郡朱虛下箕下作維靈門下橫下析泉下作淮上文引禹貢惟留其道
又作惟一卷之中異文三見通鑑梁武帝紀魏李叔仁擊邢杲於維水古人之
文或省或借其旁並從鳥佳之佳則一爾後人讀為淮沂其又之淮而呼此水
為槐河失之矣今考漢書地理志與水經注其論入濰之水及夫山名有互異
者朱虛下云東泰山汶水所出東至安邱入維有異或者有二汶水乎五
水出萊蕪入濟今此又言出朱虛入維將桑欽所說有異

帝祠在濰水之上箕下云侯國禹貢維水北至昌都入海此日知錄所謂朱虛下箕下作維者也維水上五帝祠不載水經注昌都恐即都昌而倒用其字靈門下云有高泉山壺山涿水所出東北入淮師古曰泉即柘字橫下云故山久台水所出東南至東武入淮師古曰台音怡折泉下云侯國折泉水北至莫入淮此日知錄所謂靈門下橫下析泉下作淮者也高泉山壺山水經注作高原山與涿一山折泉水經注作析泉北至莫水經注亡之地理志稱濰爲青州濰此說是也至引周禮職方氏兗州濰曰盧濰今按職方作盧維箕屋去兗數百里盧濰非箕屋之濰明矣濰水在縣東南六十里流經縣講里等社東北過昌邑又東北入於海

汶水出臨朐縣南九十里沂山流大而長者即瀑布泉也其出東南崕山者北流不七八里即合沂流皆謂之汶東至高崖入安邱境又東經安邱城北又東至王封又一水自西北來注之又東過杞城伏羲河自西來注之又北至老莊頭蘇家人縣境穿膠濟鐵路過馬村南渭水溪自西北來注之又東北過徐家莊南又東北入於濰

水約行境內十餘里

山東通志山東自治區域圖安邱志濰縣鄉土志

按汶有五皆在泰安縣境此水乃崕汶漢書地理志所謂出東泰山者此也齊乘云今沂山絕頂穆妃陵側有瀑布泉懸百丈崖而下即汶水也安邱縣治在

濰縣志稿

卷五 疆域 河渠

四

水南三里爲濰縣莒縣諸城交通要道王封在安邱縣東一水出靈山南麓靈山即塔山水東南經劉鄆碑南入安邱境入於汶伏羲河即石旺河出牛樓埠由東水坡東流繞五郎君莊間南流過上莊南又南至河灣莊南入安邱境又東南至講市東入於汶渭水溪源出縣境石埠下金龍口距縣治東南四十里東流穿膠濟路經蝦蟆屯站北常令公山下河下莊復穿膠濟路經北流莊後釣臺下其北楊莊爲楊青藜故里又東再穿膠濟路又東過太公堂下丁村孟東南流經丁村郭馬村至徐家莊入於汶約行三十里

虞河即古漑水一名東丹河源出昌樂塔山北麓由房仕莊北流入濰境距縣治東南四十里經范家溝莊又北過泉河頭莊東又西北過坊子站東貯爲池穿膠濟鐵路至趙家莊東甯家溝河自西南來注之又北過董家莊響河子鄧家莊西又北經武家莊東九龍山下白沙溝水自東南來注之由後樂家莊北上虞河莊西漲沔河自東來注之再西流經樂道院後又北經東關升曦門外又北經虞河頭石家莊雙廟小營至北張氏莊後東流至分營埠北流經紙房東菴北埠李家埠王家埠及昌邑之漁洞埠復北流經西利漁莊東又北入於海約行境內百二十里近年下流淤

塞其水或散於高莊窪或注於昌邑永安湖有時水漲方能入海也

山東通志
鄉土志

按水經注巨洋水篇覆甑山溉水所出北經斟亭西北合白狼水溉水又北逕
寒亭西而入別畫湖覆甑山即塔山寰宇記山形如塔又名溉源山斟亭在水
東另詳北合白狼水當在今東關附近兩水相去甚邇雨季大水時尚由深溝
相通逕寒亭西蓋合而復分別畫湖即高莊窪及永安湖詳後甯家溝河即醬
溝河有二源一出磨其山北麓一出馬司嶺北流至柳溜合為一水又北流經
辛家莊西甯家溝莊西穿膠濟鐵路經軍營西軍營為日管鐵路時所築現存
一部又北歷劉家莊東西王家之間又北經高家莊東又北經趙家莊東停蓄
為泓深約數丈怪石夾岸水聲四達俗名老牛槽每當宿雨初霽水與岸平景
色尤佳又北入於虞河約行二十餘里白沙溝出白羊埠南北流經鳳皇山西
韓爾莊東水出石隙琤琮作響聲聞數里又北過九里山西南入於虞河約行
十餘里漲河河源出河南頭莊距縣治東南二十五里北流經辛冬集東又西
北經十甲莊南又西經黃葉樓北至東莊南楊家橋右入於虞河相傳清乾嘉
間漲河漲沿河十八村盡行淹沒因以為名水行約二十五里

白狼河發源昌樂西南五十里擂鼓山由駐馬河莊東流凡無名小水皆注之其流
漸大又東北過營邱故城東又東北入濰境距濰縣治所三十二里由解家莊東北
流至莊西孝夫河注之北流至樊家莊順陽河由東來注之又北至大崖頭莊北北

濰縣志稿

卷五 疆域 河渠

五

董河自西南來注之又東北經小崖頭莊南又西北穿膠濟鐵路經丁家道口又經
縣城與東關間北流經東西賈莊間又北經華疇東又北經安固西又北經東西常
寨間又北經蔡家央子莊東鳳臺莊東夏季水溢與渤海聯水落則西北流入壽光

境瀾河來會又北復入縣境入於海約行境內百四十里

昌樂志
昌樂地圖書鄉土志

按白狼河一作白浪河見明一統志水經注白狼水西出丹山隋書地理志都
昌縣有白狼山齊乘白狼西源出丹山即隋志之白狼山也青州府志乾隆濰
縣志皆謂出擂鼓山昌樂志則謂出大姑山蓋大姑為擂鼓音義之變擂鼓山
與臨朐之丹山脈相聯古統稱為丹山故水經注齊乘皆云出丹山也昌樂志
云大姑山上有白狼廟山前澗深十餘丈眾泉涓涓即水源也酈道元云余按
營陵城南無水惟城北有一水世謂之白狼水營邱故城即漢營陵水實在城
南此何說乎孝夫河源出昌樂東南上河頭莊迤北近漢王哀墓故名昌樂志
作孝義河即俗所謂石溝河齊乘云白狼水一源出北海縣南小王莊平地泉
湧如輪者東北入濰境經後張司莊西距縣治南三十里又北經石溝河源
西又西北至嵇家人於白狼河經流三十餘里入濰境復行約九里順陽河源
出澗頭院東龍灣距縣治南二十五里約行二里西北注入白狼河北董河源
出崔家官莊距縣治西南三十里東流至大寨珍珠泉水西北來注之又北流
至胡家莊東稍翁廟水自西來注之又北至大崖頭莊北軍埠口入於白狼河
北冬河疑即竇公故渠說詳後小崖頭莊前臨白狼河河陰舊多桃樹每當春

和景明文人騷客攜榼提壺於焉遊止其南爲河故瀆已涸盛夏水漲始有水焉
瀆縣城卽古平壽治水經注所云白狼水東北逕城東是也西入別畫湖則其故瀆
明清之際始改今道故瀆今名乾河由玉清宮南西北經臥龍橋卽明萬歷志
所稱之漱玉石橋又北過河灣莊又北過大廟頭東又北過朱馬莊西又北至
郭翟莊南入於小于河上流久已淤塞下流清乾隆四十二年道光八年咸豐
元年民國十七年四次開導今尙有水寬一丈二尺深約七尺白狼河今道由
城東北流約八九里俗呼八里直河相傳河改道時所開河近海處村民多有
帆船通近海各口昔鐵路未通水盛時海北高粱亦有由此輸入者

大于河發源昌樂方山凡三源北源出響水崖北流經五圖南東南流經辛王莊南
中源水東北來會之又東入瀆境又東至平壽莊西北距縣治西南三十五里南源
水合寶泉水來會之中南兩源均出方山南麓又北龍泉水注之北至廟子莊西蘆
溝河西來注之又北有一水出自昌樂花園莊北流入境經平壽莊東鄧家莊廟子
莊東北來注之又北經道口莊東粳粳泉水西來注之又北過大于河莊東穿膠濟
鐵路龍池水西來注之又北過崔家莊河崖頭莊東又北過流飯橋集東北流十餘
里故瀆出焉舊名周家口又西而北至高里鎮西北五甲口再北至張家莊石橋桂

瀆縣志稿

卷五 疆域 河渠

六

河會白楊河自壽光來注之又北至蕭家營東流至後崖入於白狼河約行境內百

餘里

鄉土志昌樂縣志山東通志昌樂縣地圖瀆縣地圖

按大于河齊乘作虞昌樂志作汙卽古漪水水經注所謂流入平壽縣積而爲渚水盛則北注當在今五圖以南響水崖下東南流則指五圖至辛旺屈而東則指辛旺至平壽莊逕平壽縣故城西則指大于河莊一帶北入丹水謂之魚合口當在今花園莊東南寶泉水出耿安西北黃山金劉拱辰寶泉院記載宋慶曆初汙河湧出僧伽大士鑄象越六年立大聖院祀之後毀於兵火大定間重建賜名寶泉山色環翠水聲漱石使人心變清涼云粳泉龍池詳泉源流飯橋本係劉范村橋誤爲流飯其北呂家莊清時有漢社稷壇記由水湧出旋沒於水其北洪福寺映房造象相傳亦出水中故瀆由周家口東行二三里至河南莊北東北逕河套莊東又西北過一空橋下橋金明昌中建又西北流七八里過橋子莊東至馮家花園東南地名三岔蓋因古昔大于河自東來桂河自西來至此合流故也水經注所謂魚合口或卽此歟今自張家莊石橋上至五甲口之大于河則清光緒末所改道也今道自周家口至常寨間則明清之際所改者也

瀆河發源臨胸南九十里沂山有二源一出山西北麓一出山西麓至九水集合爲一又北過冶源東又北過臨胸城東又北經益都縣東境又東北過壽光縣城東又

東北入濰境約行二三里入海

山東通志山東陸軍測量局地圖

按瀾河即水經注巨洋水山東通志按語云巨洋水即國語具水袁宏謂之巨昧王韶以為巨蔑亦或曰胸瀾齊乘或曰沫今謂之洱河後漢書作鉅昧魏書作汨液水經注釋亦作瀾今案巨洋之洋當作洋從羊得聲說文羊羊鳴也又云洋與瀾洱音同與沫沫音轉故其字相通若作洋與瀾洱等字音遠無由通假也自說文誤作洋孫緬音似羊切通鑑胡注遂誤以黔陬縣之洋水為巨洋矣人海處屬濰境舊志不載蓋河道有遷徙也

桂河發源昌樂東南方山西麓繞孤山南麓曲折東北經朱劉店西又北入壽光境

過桂河莊西又北過王望莊北又東北至張家莊入濰境合白楊河至魏家莊東又

北三里餘入大于河約行境內七八里

昌樂縣志山東通志陸軍測量局圖鄉土志

按桂河一名跪河即齊乘所謂出方山之朱流河也張家莊有橋今廢橋西北半里許即其舊址修橋碑尚存

瀑沙河源有五最遠者二皆出鳳埠北麓距城三十五里北流至段家莊合為一又北流至隋下密故城西西北流至軍屯西其一流自袁家下密西來注之又西至黃埠其一流出趙家莊之孝夫泉者北流至蔡家集合徐家莊泉水自南來會之世謂

濰縣志稿

卷五 疆域 河渠

七

之三河水自此水勢始大東北流過河灘集又北過官橋子西又北絳埠西入昌邑境凡行境內約四十里又北漫於永安湖水盛則東北入海

鄉土志陸軍測量局地圖

福康河源出縣治東南四十五里湧泉莊北流經隋下密故城東又東北過王伯南又東北經柿子行南又北過交界莊北入昌邑境約行境內二十餘里又西北入瀑

沙河

陸軍測量局圖

按福康河一名浮糠河又作浮塘河俗傳唐將孫福康飲馬於此因以為名其說未知所本又鼻河一名吳家河又名張固河源出縣治東四十五里戴家莊北三里北流過于家莊坡子莊入昌邑境下流入福康河

寒泥河發源縣治東南二十五里楊家莊東南隅繞村北流經直渾街東又北經清池東西二村間又北過馬宿倉上西其一流出縣東南三十里趙莊去瀑沙孝夫泉源甚邇西北流經馬宿東至倉上莊北合為一水北過寒亭西又北過南莊東入昌邑境約行境內三十里又北漫於永安湖

按寒泥河俗稱
泥河卽古寒水

小于河上流爲長溝河發源於明宗山東麓東北經下坡莊望留莊東又北至官家莊東約行二十里其一源出狼埠西北流合爲一水又西至荆家莊北與廣生泉水會始名小于河又一水出浮山東麓西安莊南經望留莊南孫家莊東北來注之又西北經項家莊東長生河自西來注之長生河源出麓臺下補生泉東北流經嵇家莊東埠前莊西復東流過鄭家莊張鐵家莊內又北入小于河約行十五里小于河又北經小于河莊西又北穿膠濟鐵路又北歷流飯橋烽臺東闕莊西郭翟東柳科西又北至邵呂店東入於大于河約行六十餘里

陸軍測量局圖

按小于河卽齊乘所謂源出蒙姑山之七里河鄉土志以廣生泉水爲正源誤齊乘云七里河者言其去濰治里數也鄉土志又謂長生河過西安望留等莊亦誤鄭家莊有石橋俗稱花板橋因橋石背面有石刻花紋但未詳何時遺物

白楊河發源潞埠莊西南杭山西麓

地屬昌樂縣

入縣境穿膠濟鐵路北流距縣治西二

濰縣志稿

卷五 疆域 河渠 泉源

八

十五里北流經潘爾莊又北經廟埠高埠間又北經耿家東又北入壽光境又東復入縣境至張家莊南與桂河合又東入大于河約行三十里

陸軍測量局圖

按水經注有漪薄澗今無考或漪薄白楊二名有倒置歟又舊圖有堯丹河自壽光入境東經禹王臺北今故道猶存附載於此

泉源 湖窪附

泉源者水之所從出也是以述河渠外兼及之况溫泉可以療疾海眼之名載在舊典地質學上頗爲重視故詳稽而誌之他如湖澤窪蕩民生所資並附錄焉

文昌泉在縣城外東南角文昌閣下原名發科泉清乾隆五年改名文昌今無水

乾隆

濰縣志

登科泉在縣治南三十里石溝河莊夏秋水湧東流入孝夫河

冷泉在縣治南三十里冷泉河莊東南里許一名清涼泉水深數尺清澈見底雖在炎暑涼氣襲人因名冷泉云

高村泉在縣治東南三十里高村水勢洶湧久旱不竭居民賴之

聲泉在縣治西二十四里浮山西澗內

西澗草堂集

昌樂閭循觀聲泉記

由修正觀南行逾五澗尋之皆無所得入第六澗得佳泉四而聲泉為最厓根有石作盆盎形泉沸然仰出下流經亂石間音琤潺如琴筑迴飆颯至激響益振鏗擊匏匊懸厓憂憂如將墮岸多莎草蟲鳴斷續與泉聲相亂拂石而坐自晨至午忘返蓋天下之聲至清者莫如泉程符山既乏泉又伴流沙礫上無聲故予以其罕而異者取之云

補生泉在縣治西南二十里麓臺下有七泉泉各瀦為塘塘各周數百步水淨綠見

底西南一泉曰補生尤甘冽食之愈痼疾亦名北渚

西澗草堂集
榆園雜錄

廣生泉在縣治西南十二里荆家莊西即鄉土志所謂小于河源泉上有清乾隆五十八年村人于國土重修石泉碑

粲粲泉在縣治西二十里范家莊西半里許去火山二里俗稱其始蓋出西南行山伏流至此突湧成輪所激噴波珠若鄉人愛之因其勢而繞以石欄號為粲粲泉上

濰縣志稿

卷五 疆域 泉源

九

以石為龍首水從龍口出羣衆目為奇觀

乾隆濰縣志
鄉土概要

溫泉在縣治西南三十里喬鐵家莊西昌樂駝山之陽泉作橢圓形水由石隙噴發性甘冬季不冰浣衣者集焉由莊南東流入於大于河泉上有通于橋建於清乾隆時

虎頭泉在縣治南二十五里孫家澗頭院莊東岸石峭立狀若虎水出其下

梢翁廟泉在縣治西南梢翁廟莊西半里許泉闊八九尺水深五六尺昔年與海同時潮汐故亦名海眼海眼西有二泉即梢翁廟河源

珍珠泉在縣治南二十八里東嵇家莊西南半里許周約十丈深七八尺水清味甘潺湲而東北流入孝夫河內產金剛石及無名異

聖泉在縣治西南二十八里大寨莊西聖泉廢寺側一名珍珠泉泉有三潭故俗又稱第一第二第三泉東流經寨內又東匯為淵其上有竹園頗饒逸致東南入於北

董河泉上八塔寨內九橋風物之美過者稱羨

龍泉在縣治西南三十里平壽莊西北三里龍泉寺後山巖四合松蔭蔽日泉出其下東流爲溝入於大于河

玉孝泉在縣治北十一里小李家莊南清孝子孫世禧廬墓時所汲之水卽此泉也鹹水泉一名龍神泉在縣治東三十八里宋家雙廟莊西河平王廟內廟基高聳拔地丈餘二殿並建因名雙廟水出前庭俗呼海眼泉口十餘尺水與口平深約三丈每日潮汐水卽外溢由廟門下流出西入一小池終歲不竭金華子云北海縣因發地得五銖錢取之不盡中得一石記云此是海眼以錢填之舊縣志山東通志皆以遠里莊龍池當之恐非是一因彼無潮汐二彼係淡水與海水異今不取又湧幢小品云萊州府濰縣有鹹水泉在濰東三十里劉村當係尹家之訛地勢甚高平泉數十步伏流於地他水在左右者皆淡惟此獨鹹因瓷爲池立祠祀之其地去海近豈一竇所

濰縣志稿

卷五 疆域 泉源

十

通而然亦奇卽此

圖書集成山東通志
舊縣志湧幢小品

孝夫泉在縣治東南四十里趙莊東南角初氏墓側極甘孝子初永昌及弟永慶廬墓時所掘故名

湧水泉在縣治東四十五里湧泉莊東南半里許泉水上湧久旱不竭村近名泉因以爲號

常清泉在縣治東南五十八里許英河北莊碧水澄波四時如一

倒懸泉在縣治東南五十二里李家莊石壁陡立水簾倒懸

九龍泉在縣治東南四十二里石埠麓夏秋水盛諸泉下注

溫泉在縣治東南三十四里于家莊子東南角周約五尺滄然仰出終年不息卽屆隆冬亦復不冰古無是泉民國六年大旱時始發現故又號爲神泉

龍池在縣治西二十五里遠里莊東潘爾莊南二里許土阜上池周丈餘外繞石欄

有門北向門側刻清道光緒重修年代池水深碧約八九尺池上有龍神祠祠有知縣張楷枝所書聯額側有碑記乾隆中重修池水東出爲小溪入大于河水甘土人亦相傳爲海眼

八角池在縣治東二十五里馬宿莊旁有龍潭旱禱輒應金明昌間用石八角甃之故名池北有廟曰膏潤故亦名膏潤泉今池已竭

山東通志元膏潤行祠記

蓮花池在縣治南三十里蓮花池莊東植蓮其中因以名村

按萊州府志城南窪在縣南二三十里不等凡六七處遍地湧泉浸淫數畝種蓮藝葦且可引爲灌溉之利常卽指此

蓮池在縣治西二十里蓮池莊內上游卽粲粲泉詳園林

甜水井在縣城內大太平街西首道南往年繞以木欄以防行人墜落故又呼爲杈

木井今居民麟比錯居水味變爲鹹

康熙縣志

按城關義井不下十餘而甘者少惟南宮街井南寺東巷井東關後門圍井西關南圍井南關四眼井西南關五道廟井水味不鹹居民賴之

濰縣志稿

卷五 疆域 泉源

十一

三十里井在縣治南三十里後甯家溝莊西北里許大路旁其來已久砌以石以備

行者汲飲以其去城里數命名焉

涼灣在縣治南三十里唐家老莊莊內水深數丈澄澈見底游魚出沒歷歷可數巖

寒不冰亦一溫泉也

別畫湖水經注別畫湖亦曰朕懷湖湖東西二十里南北三十里卽今永安湖高莊

窪蓮花坡常寨窪黃蕎窪在縣北五六十里

陸軍測量局圖

按水經注既云東西二十里南北三十里則其面積當爲六百方里又廣異記云望海臺側有別瀆泊望海臺卽今禹王臺此其涯岸之見於古籍者大清一統志云湖不可考鄉土志云別畫莊西有別畫湖一名蝶湖自明季河道西移此地遂成沃壤未知所本宜乎山東通志目之爲疏但通志謂散水泊當別畫湖故跡所及散水泊卽黃蕎窪此不過指其一部而言未詳按輿圖之說也

寶公渠唐武后長安中北海令寶琰所鑿於故營邱城東北引白狼

唐書原作白浪

河水渠

溉田地曲折三十里

唐書

按竇公渠事載新唐書地理志北海條下唐北海縣即今濰治竇公之穿渠興水利誠可謂有功於濰矣濰祀竇公於名宦志為列傳而於所開之渠為某地則遍檢萬曆康熙乾隆諸志皆莫能詳按唐書所載竇渠事地望里數極為明晰復證以輿圖乃知今之北董河即古之竇公渠也其徵有三唐書云琰於故營邱城東北引白狼水穿渠以溉田今北董河西起營邱故城東北東通於河此與唐書相合者一也唐書又云渠曲折三十里光緒間鄉土志云北冬河約行二十里一云曲折一云約行加以古今里數不同記載各有出入則里數又相近者二也北董今或作北冬考金代姚鑄新所撰西北董村三教堂記知今之改董為冬實以音近而訛董竇二字則以音轉而訛蓋董河即竇河竇河即竇公渠也太史公云廡二渠以引河疏解極明特異世多名渠為河不祇濰一邑而然此其三也然則何以又名北董北董者村名也以村在董河北故名年湮代遠人不加察復移村名為河名則是北董之所由來也且北董河所經之地為縣董官社地董官者竇公也以竇公渠所經是以名其社焉

濰縣志稿

卷五 疆域 泉源